

Poštujući UN Konvenciju o pravima djeteta, UN Smjernice za alternativno zbrinjavanje djece, a na osnovu člana 42. stav (2) Zakona o hraniteljstvu u Federaciji Bosne i Hercegovine („Službene novine Federacije Bosne i Hercegovine“, br. 19/2017 i 52/2022), člana 58a stav (1) Zakona o socijalnoj zaštiti, zaštiti civilnih žrtava rata i zaštiti porodice s djecom („Službene novine Kantona Sarajevo“, br. 38/2014 - prečišćen tekst, 38/2016, 44/2017, 28/2018, 52/2021 i 40/2022), Odluke Vlade Kantona Sarajevo o davanju saglasnosti na tekst Protokola o saradnji za podršku hraniteljskim porodicama u Kantonu Sarajevo akt broj:02-04-54461-12/24 od 19.12.2024.godine, kao i člana 6. Protokola o saradnji od 28.7.2023. godine, a koji se kod Ministarstva za rad, socijalnu politiku, raseljena lica i izbjeglice Kantona Sarajevo vodi pod brojem protokola 13-11-31627/23

Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu Ministarstvo), Ulica Reisa Džemaludina Čauševića broj 1., koje zastupa ministrica Enda Pavić Pečenković

i

Javna ustanova „Kantonalni centar za socijalni rad“ (U daljem tekstu: Kantonalni centar), Ulica Gatačka broj 80, Sarajevo, koju zastupa v.d. direktora Draženka Osmanspahić

i

Predstavništvo strane humanitarne organizacije „SOS-Kinderdorf International“, sa sjedištem u Sarajevu (u daljem tekstu: SOS Dječija sela BiH), Ulica Semira Frašte bb, koje zastupa nacionalni direktor Malik Garibija

U Sarajevu, 20.12. 2024. godine potpisuju:

## **PROTOKOL**

### **O SARADNJI ZA PODRŠKU HRANITELJSKIM PORODICAMA U KANTONU SARAJEVO**

#### **Član 1.**

##### **(Predmet Protokola)**

- (1) Ovim Protokolom o saradnji definišu se prava i obaveze Ministarstva, Kantonalnog centra i SOS Dječija sela BiH (u daljem tekstu: Potpisnici).
- (2) Predmet ovog Protokola je saradnja u oblasti hraniteljstva kroz pružanje stručne podrške hraniteljskim porodicama u Kantonu Sarajevo (u daljem tekstu: Protokol).
- (3) Podrška će se pružati kroz uključenje hraniteljskih porodica u Program podrške SOS Centra za podršku hraniteljskim porodicama u Kantonu Sarajevo (u daljem tekstu: Program podrške) i omogućit će stručnu podršku hranjeniku ili hranjenicama, hranitelju i hraniteljskoj porodici, u skladu sa osnovnim principima socijalne zaštite i održivosti socijalnih veza.
- (4) Ovim Protokolom saradnju za pružanje stručne podrške hraniteljskim porodicama iz stava (3) ovog člana definišu Ministarstvo, Kantonalni centar i SOS Dječija sela BiH.
- (5) Izrazi koji se koriste u ovom Protokolu, a koji imaju rodno značenje, bez obzira na to jesu li korišteni u muškom ili ženskom rodu, obuhvataju na jednak način muški ili ženski rod.

## **Član 2.**

### **(Cilj Protokola)**

Cilj protokola je jačanje saradnje u Kantonu Sarajevo u oblasti hraniteljstva kao oblika javne brige za djecu bez roditeljskog staranja radi unaprjeđenja kvalitete brige kroz pružanje stručne, materijalne i nematerijalne podrške hraniteljskim porodicama u okviru SOS Centra za podršku hraniteljskim porodicama, koji za cilj ima unaprjeđenje sistema hraniteljstva u Kantonu Sarajevo kao preduvjeta za razvoj deinstitutionalizacije i prevenciju institucionalnog smještaja djece bez roditeljskog staranja i jačanja porodičnog oblika alternativne brige o djeci bez roditeljskog staranja i drugoj djeci koja su iz različitih razloga onemogućena da žive sa vlastitim roditeljima.

## **Član 3.**

### **(Program podrške Centra za podršku hraniteljskim porodicama u Kantonu Sarajevo)**

- (1) SOS Dječija sela BiH će temeljem ovog Protokola razvijati i održavati Program podrške osiguravajući stručnu, materijalnu i nematerijalnu podršku za hraniteljske porodice koje uz preporuku Kantonalnog centra uz podršku mjesno nadležne službe socijalne zaštite i saglasnost hraniteljskih porodica, budu uključene u Program podrške.
- (2) Program podrške omogućava prijem najmanje 20 hraniteljskih porodica godišnje.
- (3) Izuzetno, u odnosu na raspoloživi resurs i kapacitet Programa podrške, uz saglasnost SOS Dječijih sela BiH i Kantonalnog centra, moguće je uključiti i veći broj hraniteljskih porodica.
- (4) Program omogućava prijem tradicionalnih, specijalizovanih, hitnih i povremenih hraniteljskih porodica, u statusu srodničkih i nesrodničkih hraniteljskih porodica u kojima je smješten jedan ili više hranjenika.
- (5) Program podrške podrazumijeva dugoročnu podršku hraniteljskoj porodici nakon što, uz preporuku Kantonalnog centra uz podršku mjesno nadležne službe socijalne zaštite, hraniteljska porodica i SOS Dječija sela BiH potpišu Ugovor o uključivanju hraniteljske porodice u Program podrške.
- (6) Tokom perioda podrške, SOS Dječija sela BiH će svakoj hraniteljskoj porodici dodijeliti voditelja slučaja koji planira i predlaže odgovarajuće postupanje i pruža stručnu pomoć hraniteljskoj porodici, koji neposredno prati hranjenika i pruža mu direktnu i indirektnu podršku u hraniteljskoj porodici i zajednici kroz izradu i praćenje plana razvoja hraniteljske porodice i individualnog plana razvoja hranjenika u skladu sa individualnim planom zaštite. Voditelj slučaja SOS Dječijih sela će usko saradivati sa starateljem, kao i voditeljima individualnog plana, odnosno stručnim radnicima Kantonalnog centra, koji planiraju i predlažu odgovarajuće postupanje.
- (7) SOS Dječija sela BiH će hraniteljskim porodicama iz stava (4) ovog člana osigurati redovne kućne posjete, individualni i grupni rad, podršku iz definisanog individualnog plana razvoja hranjenika i plana razvoja hraniteljske porodice, te podržati hraniteljsku porodicu kroz materijalnu i nematerijalnu pomoć u ovisnosti od definisanih mogućnosti Programa podrške i potreba hraniteljske porodice.
- (8) SOS Dječija sela BiH se obavezuju da će u pogledu zaštite najboljeg interesa hranjenika usko saradivati sa Službom za hraniteljstvo i poštovati odluke Kantonalnog centra.

- (9) Ministarstvo i Kantonalni centar imaju pravo u svakom trenutku provesti stručni i finansijski nadzor nad provođenjem Protokola i kvalitetom pružene usluge.
- (10) SOS Dječija sela BiH dužna su postupati u skladu sa nalazima provedenog nadzora iz stava (9) ovog člana, i u razumnim rokovima otkloniti eventualne uočene nedostatke i nepravilnosti.

#### **Član 4.**

##### **(Procedura prijema hraniteljske porodice u Program)**

- (1) Prijem hraniteljske porodice u Program podrške se vrši na osnovu Preporuke Kantonalnog centra, odnosno Službe za hraniteljstvo, koju dostavlja SOS Dječijim selima BiH.
- (2) Preporuka Kantonalnog centra, odnosno Službe za hraniteljstvo se temelji na procjeni potreba hranjenika i hraniteljske porodice u odnosu na socijalnu anamnezu hranjenika, broj i dob hranjenika u hraniteljskoj porodici, vrsti hraniteljske porodice, socioekonomskom statusu hraniteljske porodice i drugim važnim indikacijama koje upućuju na potrebu za dodatnom, kontinuiranom i stručnom podrškom hraniteljskoj porodici.
- (3) SOS Dječija sela BiH, u skladu s raspoloživim resursima i kapacitetima, mogu uputiti informaciju o broju raspoloživih mjesta u Programu podrške Kantonalnom centru, na osnovu čega Kantonalni centar razmatra za koje hraniteljske porodice po njihovoj procjeni i potrebama će dati preporuku za njihov prijem u Program podrške SOS Dječijih sela BiH. Preporuka može biti u štampanoj ili elektronskoj formi izdata od Kantonalnog centra ili jedne od njegovih službi.
- (4) SOS Dječija sela BiH će po prijemu Preporuke za uključenje hraniteljske porodice u Program podrške cijeniti pristiglu dokumentaciju i vlastite stručne i druge kapacitete i mogućnosti prijema hraniteljske porodice, postojanja kontraindikacija, te u roku od 7 dana od dana prijema Preporuke dostaviti odgovor Kantonalnom centru.
- (5) Kantonalni centar, odnosno Služba za hraniteljstvo će, u slučaju pozitivnog odgovora, obavijestiti hraniteljsku porodicu o njihovom uključanju u Program podrške, te će zajedno sa SOS Dječijim selima BiH tražiti saglasnost porodice za uključenje u Program podrške.
- (6) U slučaju pristanka hraniteljske porodice, hraniteljska porodica i SOS Dječija sela BiH će potpisati Ugovor koji definiira međusobna prava i obaveze hraniteljske porodice i SOS Dječijih sela BiH. Ugovor iz ovog stava pripremaju SOS Dječija sela BiH i dostavljaju hraniteljskoj porodici. Nakon potpisivanja SOS Dječija sela BiH će primjerak ugovora dostaviti Kantonalnom centru.
- (7) Hraniteljska porodica ili SOS Dječija sela BiH mogu u svakom momentu zbog nemogućnosti izvršavanja ugovornih obaveza ili zbog kršenja odredbi Ugovora iz stava (6) ovog člana pokrenuti postupak raskida Ugovora s otkaznim rokom od 15 dana. Program podrške za hraniteljsku porodicu može se prekinuti i u slučaju donošenja novog Rješenja za hranjenika, poput smještaja u drugu hraniteljsku porodicu, povratak u biološku porodicu, smještaj u drugi oblik javne brige, izlazak iz javne brige ili po drugom osnovu zbog kojeg hranjenik izlazi iz hraniteljske porodice s kojom je potpisan Ugovor o Programu podrške, a ukoliko u periodu od 3 mjeseca u istu porodicu ne bude smješten novi hranjenik. Program podrške se može i hitno prekinuti ukoliko jedna od strana potpisnica prepozna narušavanje zaštite sigurnosti djeteta.

- (8) U slučaju raskida ugovora iz stava (6) ovog člana, SOS Dječija sela BiH će bez odlaganja informisati Kantonalni centar, odnosno Službu za hraniteljstvo o novonastalim okolnostima zbog kojih se Ugovor raskida. Prije jednostranog raskida ugovora svaka od strana se obavezuje da će pokušati sporazumno riješiti identifikovani problem i u duhu dobre volje pokušati otkloniti uzrok problema.
- (9) U slučaju raskida Ugovora prije njegovog isteka, obaveze svih potpisnika iz Ugovora iz stava (6) ovog člana prestaju njegovim raskidom.

## **Član 5.**

### **(Finansiranje usluge)**

- (1) SOS Dječija sela BiH će snositi troškove stručnog tima i cjelokupnog rada Programa podrške Centra za podršku hraniteljskih porodica u Kantonu Sarajevo do 31.12.2025. godine.
- (2) SOS Dječija sela BiH će do perioda iz stava (1) ovog člana snositi sve troškove rada s 20 hraniteljskih porodica, uključujući troškove obavljanja redovnih kućnih posjeta, pružanje stručne podrške i druge vidove podrške iz ovog Protokola, uključujući materijalnu i nematerijalnu pomoć koja se utvrdi kao potreba hranjenika i hraniteljske porodice.
- (3) SOS Dječija sela BiH će u skladu s mogućnostima i resursima, a na osnovu donatorskih sredstava i drugih izvora finansiranja, uvoditi dodatne servise podrške u Program podrške na osnovu uvida u potrebe hranjenika i hraniteljskih porodica, i servise koji će jačati sistem hraniteljstva u Kantonu Sarajevo, cijeneći usku saradnju sa Kantonalnim centrom u planiranju rada i praćenja napretka hraniteljskih porodica u Kantonu Sarajevo.
- (4) Prije isteka perioda iz stava (1) ovog člana, a koji se smatra periodom pilotiranja Programa podrške, SOS Dječija sela BiH će pripremiti izvještaj i predstaviti stranama potpisnicama ovog Protokola, zajedno sa najboljim praksama i preporukama za daljnje djelovanje. Strane potpisnice će tada razmotriti programske, stručne, finansijske i druge aspekte daljnjeg djelovanja i sukladno potrebama, mogućnostima i zakonskim obavezama izvršiti reviziju ovog Protokola.

## **Član 6.**

### **(Rješavanje nesporazuma)**

- (1) Strane potpisnice Protokola će eventualne nesporazume nastojati riješiti u duhu dobre volje, a sve u najboljem interesu djece bez roditeljskog staranja koja su smještena u hraniteljsku porodicu ili koja se planiraju smjestiti u hraniteljsku porodicu, a u cilju postizanja bolje kvalitete brige za hranjenika i podrške hraniteljskoj porodici.
- (2) Ukoliko nastali spor ne bude riješen sporazumno, isti će se rješavati pred Općinskim sudom u Sarajevu.

## Član 7.

### (Potpisivanje memoranduma sa Kantonalnim centrom)

U skladu sa članom 58a. stav (2) Zakona o socijalnoj zaštiti, zaštiti civilnih žrtava rata i zaštiti porodice sa djecom „(“Službene novine Kantona Sarajevo”, br. 38/2014 - prečišćen tekst, 38/16, 44/17, 28/18, 52/21 i 40/22), a shodno ovom Protokolu, Kantonalni centar i SOS Dječija sela BiH moraju imati potpisan memorandum ili protokol o saradnji, u kojem su definisana međusobna prava i obaveze.

## Član 8.

### (Završne odredbe)

- (1) Protokol stupa na snagu danom potpisivanja, i primjenjuje se od 20.12.2024. godine.
- (2) Izmjene, dopune i raskid ovog Protokola vršit će se sporazumno između ugovornih strana, isključivo u pisanom obliku.
- (3) Ovaj Protokol sačinjen je u 6 (šest) istovjetnih primjeraka od kojih svaka strana potpisnica zadržava 2 (dva) primjerka.

Ministarstvo za rad, socijalnu politiku,  
raseljena lica i izbjeglice Kantona Sarajevo



MP Broj: 13-05/1-31-54340.1/24

Datum: 20.12.2024.godine

Javna ustanova „Kantonalni centar za socijalni rad“



Mi

Broj:

31-01/01-071-2509/24  
20.12.2024.

Predstavništvo strane humanitarne organizacije  
„SOS-Kinderdorf International“, sa sjedištem u Sarajevu



Mi.....

IT

